

Geraestum considerant. Graeci, cum expugnata Troja redirent, ibi Nauplius regnavit, cuius jam supra mentionem fecimus. Strabo praeterea inter populos, qui in Euboeam immigrasse dicuntur, Arabes commemorat, qui Cadmum comitabantur 1); et Aeoles, qui Penthilo duce, filio Orestis, in hanc insulam venerunt, ibique sedes collocaverunt 2).

### De urbibus.

Inter Euboeae urbes maxime inclaruit et primo loco ponenda est *Χαλκίς* a Pandoro condita 3), Aulidi in Boeotia ex adverso sita. Eam urbem per plura secula floruisse, neque pristinae dignitatis quidquam amisisse Strabo testatur. Post bellum Trojanum a Cothoniensi denuo colonia huc deducta est 4). Homerus ejus (Il. 2. 537. sq.) mentionem facit. Imperium penes optimates erat et opulentissimi cives, summis honoribus ornati, *Ιπποβόται* appellabantur, quos rem pecuariam maxime fecisse putamus 5). Quo tempore illi optimates valebant, urbs Chalcis (a. 668.) colonos misit in Italiam inferiorem, qui ibi Rhegium condiderunt, neque minus in Siciliam. Etiam prope Olynthum Chalcidenses domicilium collocaverunt 6).

Arethusa fons largam frigidamque aquam incolis suppeditabat 7).

Urbs gymnaisiis, porticibus, templis, theatris, picturis, statuis ornata erat 8), forum magnum tribus porticibus circumdate 9); regio, quae circumjacebat, oleis consita 10).

Datis ante pugnam Marathoniam Persarum imperio urbem subjecit, tum in ditionem Atheniensium rediit, et bello Peloponnesiaco in breve tempus libertate usa denuo Atheniensibus subjecta est. Cum Alexander Persis in Asia bellum illaturus esset, Chalcidenses,

1) Τὸ δὲ παλαιὸν καὶ Ἀραβεῖς, οἱ Κάδμῳ συνδιαβάντες. Str. 10. p. 23.

2) Αἰολέων δέ τινες ἀπὸ τῆς Πενθίου στρατιᾶς κατέμειναν ἐν τῇ νήσῳ. Strabo 10. p. 23.

3) Νῦν μὲν οὖν διμολογούμενως ἡ Χαλκίς φέρεται τὰ πρωτεῖς καὶ μητρόπολις αὕτη λέγεται τῶν Εὐβοέων. Strabo 10. p. 33. Ἐν τῇς Ἀττικῇς τὸν Ἐρεχθίας διαβάντα Πάνδωρον κτίσαι πόλιν μεγίστην τῶν ἐν αὐτῇ Χαλκίδα. Scymni orb. desc. v. 571—573.

4) Μετὰ τὰ Τρωικὰ Κότος, ἐξ Ἀθηνῶν ὁρμηθεὶς, ψηστεῖ τὴν Χαλκίδα. Strabo 10. p. 23.

5) Οἱ δὲ ιπποβόται ἐπαλέοντο οἱ παχέες τῶν Χαλκιδέων. Herodot. 5, 77.

‘Η τῶν Ἰπποβοτῶν καλουμένη ἐπενοράτει πολιτείᾳ προέστησαν γὰρ αὐτῆς ἀπὸ τιμημάτων ἄνδρες ἀριστοχρατικῶς ἀρχοντες. Strabo 10. p. 24.

6) ‘Η δὲ Χαλκίς συνώκισε τὰς (πόλεις) ὑπὸ Ολύνθῳ. Strabo 10. p. 23.

7) Τὸ ἀπὸ τῆς πηγῆς νῦν πᾶσι τοῖς τὴν πόλιν κατοικοῦσιν. Dicaearchi status Graeciae p. m. 19.

8) Καὶ τοῖς κοινοῖς δὲ ἡ πόλις διαφόρως κατεσκένασται, γυμνασίοις, στοάσις κ. τ. λ. ibidem.

9) Ἀγορὰ πλατεῖά τε οὖσα καὶ στοάσις τρισὶ συνειλημένη. Ibidem p. 20.

10) ‘Η δὲ χώρα πᾶσα ἐλαιόφυτος. eod. loc. Oleis et sicubus interdum Olympias ventus nosuit. Plin. 17, 24.

rege illo haud dubie annuente, munimenta urbis auxerunt<sup>1)</sup>. Chalcis patria oratoris Isaei erat, cuius discipulus Demosthenes, et Lycophrontis grammatici et tragoediarium scriptoris Ptolemaei Philadelphi tempore. Denique Aristoteles, qui Athenas, ut invidiam sacerdotum effugeret, clam reliquerat, Chalcide obiit<sup>2)</sup>. Iam transeamus ad Eretriam, urbem Chalcide non minus antiquam<sup>3)</sup>; condita enim erat jam ante bellum Trojanum ab Atheniensibus, eoque finito ab Aeclo Athenensi augebatur<sup>4)</sup>. Haec urbs maxime mercatura florebat, quam potissimum coloniis in Macedoniam, in Pallenem peninsulam, in Atho montem missis amplificabat<sup>5)</sup>. Societate cum Chalcide inita totius insulae imperium sibi vindicare potuisset; sed cum saepius cum illa bellum gereret<sup>6)</sup>, ipsa suas vires fregit. Datis hanc quoque urbem, quae graviter resistebat, expugnavit, magnamque civium partem, opulentissimos scilicet, in Persiam abduxit, ubi illis nova domicilia paravit<sup>7)</sup>. Eretria vetus ex illo tempore urbis solo aequatae imaginem praebebat, ejusque fundamenta vel Strabonis tempore conspici poterant<sup>8)</sup>. Incolae a Persis relictii urbem non procul a vetere septentrionem versus denuo considerunt. Aetate, qua maxime florebat, pluribus insulis maris Aegei imperavit<sup>9)</sup>; septem naves ad pugnam Salaminiam<sup>10)</sup>, et cum Styris urbe sexcentos milites ad Plataensem misit<sup>11)</sup>. Naves incolarum prius expeditioni Graecorum contra Persas in Asia minore susceptae et incendio Sardium interfuerunt<sup>12)</sup>, quo magni regis animus acri odio exarsit. Incolae non tantum extremis, sed etiam mediis vocibus ο addere solebant, atque propterea saepe derisui erant<sup>13)</sup>. Post bellum Persicum Eretrientes sub ditione Atheniensium erant, Philippus vero (pater Alexandri,) Plutarchum quendam ibi tyrannum imposuit, qui Phocionem acceptis Atheniensium auxiliis tam turpiter prodidit, ut ille exercitum suum aegre servaret. Plut. Phocion 13, 14. Plutarchus et postea tyrannum se gessit.

1) Κατὰ δὲ τὴν Ἀλεξάνδρου διάβασιν καὶ τὸν περίβολον τῆς πόλεως ηὔξησαν. Strabo 10. p. 24.

2) Καὶ πρότερον ἡ Αριστοτέλους ἐν τῇ Χαλκίδι διατριβῇ, οὐ γε καὶ κατέλυσε τὸν βίον. Strabo 10. p. 33.

3) Sed minorem. Ἐρέτρια πόλις μεγίστη τῆς Εύβοιας μετὰ Χαλκίδα. Strabo 10. p. 22.

4) Μετὰ τὰ Τρωϊκὰ Αἰγαλὸς τὴν Ἐρέτριαν ὄψισε. Strabo 10. p. 23.

5) Ἐρέτρια μὲν γὰρ συνρήσις τας περὶ Παλλήνην καὶ τὸν Ἀθω πόλεις. Strabo 10. p. 23.

6) Ἐς τὸν πάλαι ποτὲ γενόμενον πόλεμον Χαλκιδέων καὶ Ἐρετριέων, καὶ τὸ ἄλλο Ελληνικὸν ἐς ξυμμαχίαν ἐπατέρων διέστη. Thucyd. 1, 15. c. extr. cf. Herodot 5, 99.

7) Τοὺς δὲ τῶν Ἐρετριέων ἀνδραποδιζέντος Δατίς τε καὶ Άρταφέρνης, ὡς προσέσχον ἐς τὴν Άσίην πλέοντες ἀνήγαγον ἐς Σοῦσα. Herodot. 6, 119.

8) Καὶ δεικνύοντιν ἔτι τὸν θεμελίονς καλοῦσι δὲ παλαιὸν Ἐρέτριαν. Strabo 10. p. 31.

9) Ἐπῆρχον δὲ καὶ Άνδριῶν καὶ Τρινίων καὶ Κείων, καὶ ἄλλων τῆσσαν. loc. cit.

10) Παρεχόμενοι Ἐρετριέες τὸς ἐπτά. Herodot. 8, 46.

11) Ἰσταντο Ἐρετριέων τε καὶ Στυρέων ἔξαρσιοι. Herodot. 9, 28.

12) Άμα ἀγόμενοι Ἐρετριέων πέντε τριήρεας. Herodot. 5, 99.

13) Τῷ γράμματι τῷ ο πολλῷ χρησάμενοι οὐκ ἐπὶ τέλει μόνον τῶν ὁμιάτων, ἀλλὰ καὶ ἐν μέσῳ, κεκωμώδηγται. Strabo 10. p. 32.

Deinde cives hujus urbis a partibus Philippi III, patris Persei et Achaeorum foedere junctorum steterunt. Tum Romani urbe ejusque statuis et tabulis potiti sunt 1). Disciplina, cuius auctor Menedemus erat (a. 400) ex hac urbe nomen accepit 2).

Inter utramque urbem Αἴλαντον πεδίον situm erat, quod Aelianus var. hist. 6, 1. Αἴλαντον πεδίον appellat. Vicus Ἀμάρυνθος, Euronotum versus ab Eretria, qui septem stadia (i. e. quatuor millia pedum et ducentos) absuit ab hac urbe, claro Dianae templo 3) insignis erat et ad agrum Eretrium pertinuisse videtur sicut

*Táμυναι.* Prope hanc urbem, non procul ab Euripo templum Apollinis jam Admeti et Herculis tempore exstructum erat 4).

Vicus (ἢ) Οἰχάλια in interiore insulae parte erat, eumque commemorant Pomp. Mela 2, 7 et Plinius 4, 12.

Eurytus, ab Hercule certamine sagittarum victus, ei Iolen, pulchram filiam suam negavit; sed heros ille vico devastato filiam regis furtim abduxit 5).

Ἡ Κάρυνθος urbs a Dryopibus, quos Hercules patria expulerat, condita est 6). Sed Strabo colonos ex Attica huc immigrasse narrat 7). Haec urbs sub radicibus Ochae, summi insulae montis 8) centum viginti stadia (i. e. tria milliaria) ab extrema australi parte insulae sita erat. Ex monte, quem modo appellavi, templo Apollinis claro, prope Μαρμάριον marmor in fodinis excisum, et praeterea amiantus inventus est 9). Hinc in Atticam transnavigare solebant. In bello cum Persis gesto urbs a barbaris oppugnata et regione devastata ad ditionem coacta est 10). Themistocles ab ea magnum argenti pondus poposcit 11).

1) Signa, tabulae priscae artis, ornamentaque ejus generis plura, quam pro urbis magnitudine aut opibus ceteris, inventa. Liv. 32, 16. Strabo 10. p. 33.

2) Horum philosophorum omne bonum in mente positum et mentis acie, qua verum cernitur. Cic. quaest. acad. 1. 4.

3) Ταύτης δ' εστὶ κώμη ἡ Ἀμάρυνθος, ἀφ' ἐπτὸν σταδίων τοῦ τείχους. Strabo 10. p. 30. Στήλη, ἥν ἀνέθεσά ποτε ἐν τῷ ἱερῷ τῆς Ἀμαρυνθίας Ἀρτέμιδος. Strabo 10. p. 31.

Sacrum anniversarium Amarynthidis Dianaerat. Liv. 35, 38.

4) Ἀδιμήτου δὲ Ἰδρυμα λέγεται τὸ ἱερὸν, πλησίον τοῦ πορθμοῦ. Strabo 10. p. 29.

5) Λείψανον τῆς ἀναιρεθείσης πόλεως ὑπὸ Ἡρακλέους. Strabo 10. p. 33.

Ut bello egregias idem (Hercules) disjecerit urbes

Trojamque Oechalamque. Virg. Aen. 8, 290.

6) Καρυντίοις δ' εἰσὶ Δρύοπες. Thucyd. 7, 57.

7) Ὡτικίσθαι δὲ τὰ κωρία ταντά φασιν ὑπὸ τῶν ἐκ Τετραπόλεως τῆς περὶ Μαραθῶνα. Strabo 10. p. 19. 20.

8) Κάρυνθος δέ ἐστιν ὑπὸ τῷ ὄρει τῇ Ὑγῃ. Strabo 10. p. 17.

9) Πλησίον δὲ τὸ Μαρμάριον, ἱερὸν ἔχον Ἀπόλλωνος Μαρμαρίνου, δῆθεν διάπλονς εἰς Ἄλας τὰς Ἀραφηνίδας, Strabo 10. p. 18.

10) Ἐνταῦτα τούτους ἐπολιόρκεον (οἱ Πέρσαι) καὶ τὴν γῆν σφέων ἔκεισαν.

11) Συνέλεγε χρήματα μεγάλα παρὰ Καρυντίων. Herod. 8, 112.

Graeci, qui post pugnam apud Salamina commissam insulas, quae Persis naves auxilio miserant, poena afficere conabantur, hanc quoque urbem aggressi agrum ejus populati sunt 1). Athenienses etiam post pugnam Mycalensem (479) cum Carystii bellum gesserunt 2). Postea (415—413.) Carystii Atheniensibus vectigales expeditioni eorum in Sicilia intererant.

Non longe a Carystiorum urbe τὰ Στύρα erant 3), quae jam Homerus (Il. 2, 539.) commemorat; eidem expeditioni Atheniensium quam ὑπήκοοι (Thucyd. 7, 57.) intererant. Incolae a Dryopibus, populo ex Thessalia pulso oriundi Graecorum classi apud Salamina subsidium duarum navium miserunt 4). Urbs ab Atheniensibus bello Maliaco (quod plane innotum est,) vel potius Lamiaco (Lamia enim non longe absuit a sinu Maliaco,) a Phaedro Atheniensium quodam duce diruta est 5). Γεραιστὸς nobilis Euboeae portus (Liv. 31, 45.) urbs celebris et templo Neptuni insignis 6), locus navibus ex Asia in Graeciam trajicientibus appellendo opportunus. Jam Homerus urbis (Odyss. 3, 177.) mentionem facit. Prope eam Hermolycus, qui in proelio apud Mycalen fortissime pugnaverat, sepultus est 7).

Ἡ Ἰστιαία sub radicibus Theletrii montis sita a Perrhaebiis 8), qui ex Thessalia in haec loca immigraverant, condita est. Persae hac urbe cum locis maritimis, quae sub ejus ditione erant, potiti sunt 9). Tempore Leuctrcae pugnae (a. 371.) Ἑλλοπιεῖς a Philistida tyranno coacti in Histiacam immigraverunt eamque auxerunt 10). Κήρυνθος oppidum maritimum 11) et a Cotho Athenensi conditum 12).

Οἱ Ωρεὺς prope promontorium Κήρυνθον valida civitas moenibus Liv. 31, 46. a Romanis eorumque socio Attalo Pergami rege bello cum Philippo III. gesto (200—196.) oppugnata et expugnata est.

Ceteras urbes minus claras, ne modum prolusionibus scholasticis concessum excedamus, silentio praetermittamus.

- 1) Οἱ δὲ Ἕλληνες, τραπόμενοι ἐς Κάρυνθον, καὶ δηϊώσαντες αὐτέων τὴν χώρην κ. τ. λ. Herodot. 8, 121.
- 2) Πολέμου ἔοντος Ἀθηναῖοι τε καὶ Καρυνθίοισι. Herod. 9, 105.
- 3) Πλησίον δὲ τὰ Στύρα. Strabo 10. p. 18.
- 4) Στυρέες δύο νέας παρείχοντο. Herod. 8, 1.
- 5) Κατεστράφη δὲ τὰ Στύρα ἐν τῷ Μαλιακῷ πολέμῳ ὑπὸ Φαιδρον, τοῦ Ἀθηναίων στρατηγοῦ. Strabo 10. p. 20. 21.
- 6) Ἐχει δ' ερὸν Ποσειδῶνος ἐπισημότατον τῶν ταύτῃ, καὶ πατοικιαν ἀξιόλογον. Strabo 10. p. 22.
- 7) Τούτον δὲ τὸν Ἐρμόλυκον κατέλαβε κεῖσθαι ἐπὶ Γεραιστῷ. Herodot. 9, 105.
- 8) Ἡ δὲ Ἰστιαία γέγονε Πεδδαιβῶν κτίσις. Scymni orb. descr. v. 577.
- 9) Ἀπὸ τούτου ἐπλωον ἐς Ἰστιαίην, ἀπικόμενοι δὲ τὴν πόλιν ἔσχον τῶν Ἰστιαίων. Herod. 8, 23.
- 10) Μετώκησαν δὲ τὴν Ἰστιαίαν Ἑλλοπιεῖς καὶ ἡγέησαν τὴν πόλιν. Strabo 10. p. 12.
- 11) Καὶ Κήρυνθος πολιδιον ἐπὶ τῇ θαλάττῃ. Strabo 10. p. 17.
- 12) Τὴν δὲ ἐναλίαν Κήρυνθον ὠσαντως Κόθον (κτίσαι). Scymni orb. descr. v. 575.

